

## JONES, BENJAMIN ('P[rif] A[rwyddfardd] Môn '; 1788 - 1841), bardd, llenor, a Bedyddiwr pybyr

**Enw:** Benjamin Jones  
**Ffugenw:** P[rif] A[rwyddfardd] Môn  
**Dyddiad geni:** 1788  
**Dyddiad marw:** 1841  
**Priod:** Mary Jones (née Parry)  
**Rhiant:** Elizabeth Jones (née Roberts)  
**Rhiant:** William Jones  
**Rhyw:** Gwryw  
**Galwedigaeth:** bardd, llenor, a Bedyddiwr pybyr  
**Maes gweithgaredd:** Crefydd; Llenyddiaeth ac Ysgrifennu; Barddoniaeth  
**Awdur:** Benjamin George Owens

Ganwyd yn 1788 yn fab i William Jones, Treddaniel, un o ddiaconiaid cyntaf y Bedyddwyr yng Nghaergybi, ac Elizabeth Roberts, merch William Roberts, y Garregfawr. Bedyddiwyd ef yng Nghaergybi gan **Christmas Evans** yn 1811, ac yno y treuliodd ei oes, fel dilledydd, hyd ei farwolaeth ar 19 Chwefror 1841. Priododd, 12 Hydref 1810, Mary, merch Edward Parry o Gaergybi, a ganed iddynt 13 o blant.

Cofir ef yn bennaf am ei ddadleuon bedydd â **David Owen** ('Brutus') a **Michael Roberts**, Pwllheli. Sgrifennodd i *Seren Gomer*, a chyhoeddodd *Athrawiaeth Bedydd*, 1830; *Y Cronici, neu Draethawd ar Fedydd*, 1831; *Temperance v. Teetotalism*, 1838; *An Elegy on the death of Benjamin B. Jones, the eldest surviving child of B. Jones of Holyhead*, 1824; ac *Amddiffyniad o Brynedigaeth Neillduol*, 1832, yr olaf yn gyfieithiad o Saesneg William Rushton, ieu., Lerpwl. Cadwyd amryw o'i lawysgrifau personol yng nghasgliad **William Roberts** ('Nefydd') yn Llyfrgell Genedlaethol Cymru, ac yn eu plith ddarn o hanes y Bedyddwyr ym Môn.

### Awdur

**Benjamin George Owens**

### Ffynonellau

*Hanes y Bedyddwyr yn Nghymru*

Archifau LIGC: NLW MS 7123B, NLW MS 7124B, NLW MS 7163D, NLW MS 7164D, NLW MS 7165D, NLW MS 7166D, NLW MS 7773D, NLW MS 7774D

### Dolenni Ychwanegol

Wikidata: Q20732653

**Dyddiad cyhoeddi:** 1953

**Hawffraint Erthygl:** <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.



Arddull APA



Owens, B. G., (1953). JONES, BENJAMIN ('P[rif] A[rwyddfardd] Môn '; 1788 - 1841), bardd, llenor, a Bedyddiwr pybyr. *Y Bywgraffiadur Cymreig*. Adferwyd 4 Hyd 2024, o <https://bywgraffiadur.cymru/article/c-JONE-BEN-1788>

Clippwr

LGC  
NLW

LLYFRGEL  
THE NATION



Ysgrifeddi  
Llywodraeth Cymru  
Copied by  
Welsh Government